

鉅鹿東觀集序

文勝質則史質勝文則野夫詩之作不與文
偕大率情根於意言發乎情點而化之琢為
章句且綺靡者不以煙火為尚風雅者不以
金石為多但務其陳古刺今去邪守正而已
非所謂者雖懷質文之宏辨員博勝之逸
才故未能臻極於淵闕矣鉅鹿魏野字仲先
其棠東郭人也秉心孤高植性冲淡視浮榮

如脫旋輕寵利若鴻毛友義用仁世稀與比
自非及長苦於詩筆每叙事感發見景立言
非規方體圓動能中的故人之美惡物之形
態時之興替事之持變遇事激發則可千里
之外而應之舊有草堂集行在人間傳諸海
外真可謂一代之名流詎俾乎逸才雄辨者
知也大中祥符中先皇帝展祀汾陰誕田分
陝法輅所幸博采隱淪是時首被溫詔遜避
不起其介介也如此余與之交越三十年凡
遇遣興迭為酬唱每筒遞往還則馳無遠邇
天禧己未歲冬余尹正京洛許造公居豈謂
未及期而隨化物去天子聞之乃震悼制贈
秘書省著作郎仍錫之賻幣錫以公徯其光
遁也又如此今歲之春余忝綏益部載歷邵
陰憩止之辰追訪郊墅噫巖亭索寞淒涼此
時竹樹青蔥依稀舊日柰伊人之既往而風

東觀集
序
流之如在有令息閑尤增素尚綽有父風能
琴外亦酷于二雅出先君所著新舊詩四百
篇除零落外以其國風教化諷刺歌頌比興
緣情者混而成編凡其詩之所覩者彙為七
卷求為序述欲使先君子之道之行彬蔚而
不泯耳余執往知生不當註讓聊陳梗概用
布之于編首漢書班固引著作局為東觀因
取諸贈典故命之曰鉅鹿東觀集時天聖元
年十二月二十七日樞密直學士知益州范
兵馬鈐轄薛田述

東觀集目錄

卷一

己巳郊天

秋日懷王專

新晴書事上宋諫議

贈歧賁推官

閒居書事

贈華山致士韓見素



東坡集
和呈寇相公見贈

謝呈寇相公召宴

上知府寇相公

寇相公生辰二首

謝寇相公見訪二首

寇相公生辰因有寄獻

和臧奎秋夜書懷

上知府袁刑部

謝薛端公寄惠紗扇

寄太中山人

上知府趙侍郎二首

冬日書事

盆池萍

留題敷水李先生隱居

送趙侍郎移鎮長

送王專推官見贈

謝王太，耿傳見惠藤牀，王虞部見惠藤

枕

苔錢八韻

題崇勝院荷亭

送徐道士赴闕

寄贈藍田王闢寺丞

送趙寺簿東歸

和寇寺丞夏日遊麗春園

謝龍圖李待制見寄二首

喜岐賁王見闡訪

謝孫舍人題名水亭因有紀贈

贈潘閣

春日述懷

同大孫狀元送楊蒲中

送王衢赴舉

寄贈陳越兼簡臧奎

東齋集

白菊

卷二

四十自詠

喜大孫狀元見訪

謝師刑部見召

贈三門漕運錢舍人

送太白山人俞太中之商於訪道友王

知常洎歸故山

暮秋懷潤師

聞潘閔新授滁州散參因以寄賀

送朱台符學士闕西巡撫

陪喬職方泛舟之三門謁禹廟

冬日述懷

和三門竇寺丞見寄

送李主簿之任南陵

酬王太傅見寄

題潤師禪亭雙竹

謝喬職方惠山菜

送丕上人南遊

和王衢見寄

送師刑部赴闕

何平孫學士以詩見寄因次本韵繼和

三章用為酬贈

送劉法曹東歸

贈崇上人

送臧奎赴舉

贈潁陽知縣劉燁著作

聞張師德狀元登第因以寄賀兼呈梁

固狀元

寄贈河中表兄李瀆

寄和并州劉密學見贈

寄贈三門漕運卞寺丞二首

檉師告歸廬嶽贈之筇杖

聞王衢王專下第因有所感

送臧奎之寧州謁韓使君

贈長安知縣陳堯佐

上致仕趙中令

題高都監新亭

上左馮陳使君

謝孫狀元寒食見贈

送馬共之任內江縣尉兼主簿

送喬職方赴闕

喬職方將赴闕詔領河東轉輸再成長

句送之

留題瀘州姚氏鳴琴泉

將離籃田同王闕太傅飲于玉氏亭聯

成二韻

卷三

謝馮亞惠鶴

送元上人歸寧

咏懷

酬謝商秘丞見贈詩牌

和長安孫舍人見寄

謝喬職方惠書

送陳越之河中寧觀

太保瑯琊相公見惠美酒因成二絕用

為謝

冬暮郊居

送俞極山人歸太華

謝長安孫舍人寄惠蜀箋并茶二首

和進士田亞父見贈

寄題石都尉村亭

謝潘閭見惠白鷄

夏日書事

身
寄贈長安宋澣逸人十韻

和陳推官暮春官興

和河中孫諫議見送同薛田察院之龍

門謁劉煒大著

登原州城呈張蕢從事

送長安趙侍郎赴闕

白鷗四首

有序

送王闢赴舉

和玄武縣薛秘丞繼示手書因以謝之

秋霽草堂閒望

和孫舍人重過陝下二首

酬閏師見贈

乞箋紙寄犀浦王專著作

送王遷歸青社

送諤師赴王寺丞召寫碑

寄晦用上人

和三門竇程寺丞見贈

卷四

同潤師宿三門開化院二首

寄題洪州華林胡氏書齋

三門留題

寄太中山人

登龍門縣樓與知宰劉大著作將話別
因有題記

夏日懷寄西川峽路淮南薛減王三運
使

贈王氏神童昆季

送俞太中山人歸終南字貫之

題鄠縣楊氏書樓

送任乘南歸觀

偶作呈諤閏二上人

和人見詠新鶴

出戶

次韵和薛端公歸故里之什二首

聞雷宣徽冕背勅葬歸鄉

和馮亞寄進士孫磻

送唐肅察院赴闕兼呈府孫大諫

和酬益州劉大著同運使薛端公見寄

之什

遊藍田王順山晤真寺

留題仙遊寺

清明日離藍田白鹿原寄王太博

寄淮南制置使薛戶

懷宗人仲容

和何學士見詠新得鶴

夏日雨中題諤師房

送外甥李渭進士赴舉

和薛察院同龍門知縣劉大著洎數公

東觀集
禹廟留題

三峰主耿殿丞將移陝下通理先已同
表刑部以和唱詩見寄因次前韵和

酬二首

百古鳥

送吳石赴舉

暮秋閒望

寄王仲通

送王太博抽赴闕

寄陳越學士

卷五

薛端公寄示嘉州道中所作因次韵以
答

送劉燁大著移任龍門知縣

送壽師新加命服後歸蜀

書閏師白蓮堂

身
集
寄陳越學士託附魏仲容

送王專王衢之許下自維揚謁孫學士

王舍人

送錢國博知坊州

上知府李殿院十韻

新井

書黃池谷玉山長屋壁

送楊侍禁赴闕時有甄先生相隨因為

之賦

和蹇藏用暮秋郊居言懷二首

謝劉小諫寄惠雙鶴

次韻和同里王耿殿丞見贈

送唐殿院蜀中提刑赴詔兼呈孫大諫

雪中書事上李階殿院

獨酌吟

謝薛省判寄惠鶴

東觀集
送蕭咨下第西歸

謝張仲先見訪

送魏莊赴舉

送王太博知建章運

酬和知府李殿院見訪之什往來不休

因成四首

暮春雨中作

送蹇藏用之平陽

和絳臺王都官

送袁景宗之荆渚寧觀

寄龐房

和酬李殿院見訪之什

寄題閩鄉李氏茅亭

和酬李殿院似野將遊吳蜀二首

上知府大同王太尉六首

吾友山陽蹇子韞常遊穎上言彼之居

東觀集
民有許氏者富不因貧學非求進于
郡之西手植衆木鬱然成林林下構
亭壯而不麗郡倅黃公宗旦皇宋有
名之士也常造焉尚缺歌詩以旌其
美故俾子請詩於予為題八十言以

寄

上知府大同王太尉

酬贈絳臺錢太尉

卷六

別雲臺觀同宿饒益寺與薛聯

和酬張見井贈

啄木鳥二首

送張先寧觀

送黨宣員外赴闕兼呈劉少諫

次韵和李殿院咏雪

送李殿院移鎮淮陽

東齋集
送武屯田赴峽路均輸兼簡臧殿院之

什

燈花

次韵和酬知開封縣錢易學士見寄三

首

送王太尉赴詔二首

謝王太尉惠書

送蹇藏用省允

新栽竹

和酬何詠推官見贈

送孫推官之闕

留題華山陳先生舊隱

和馮亞見贈

送王專李安赴舉

送陝尉邵國華南歸廣州

和王衢見寄兼呈董行交

東齋集
渭上秋夕閒望

過古戰場

長安春日書事

哭錢觀察

將遊蜀中恨有所滯至情難蓄發為拙

詩寄錦川峽路薛田臧奎二運使提

刑楊及

疑山石泉并引

送端上人南歸

卷七

題陝府同判衙吏隱亭

聞李安下第有感

次趙尚書韻

送王衢之任德州推官

經溫泉

寓興七首

寄河中王專推官兼呈孫學士

寄贈桃林尉史溫

贈陝縣薛偕主簿

次韻和王希知縣見贈

送錢中舍移任洋州興道縣兼呈知郡

李屯田

贈孫何狀元

寄友人臧奎

別同州陳太保

夏夜與臧奎陳越會宿河亭聯句三十

韻

宿海上人房

解城條山 并引

宿王闢宅與王專洎用海上人聯句

淳化五年秋八月二十四日鉅鹿魏野

江東僧用晦趙郡李識登解瑯琊王

東華集
目
文

衢令聯句詩一章凡六十四句



國家圖書館, NATIONAL CENTRAL LIBRARY, TAIWAN, R.O.C.

東觀集卷之一

詩

己巳郊天

萬物盡熙熙郊天禮畢時安邊文教遠過海
赦書遲南牧雖無也東封合有之茅堂自歌
詠何必向丹墀

秋日懷王專

國家圖書館 NATIONAL CENTRAL LIBRARY, TAIWAN, R.O.C.

宋魏野仲先著



東齋集 卷一
菊花原上立村落雨晴初晚吹清群物秋光
淡太虛空看新雁字不得故人書猶賴華亭
鶴林間伴索居

新晴書事上宋諫議

美化何因見民歌處處同雨中諸縣足獄奏
半年空郡閣煙光裏人家霽色中倘吟知淺
拙將獻愧明公

贈岐賁推官

動靜不違書知君始是孺婢閒猶畫卦兒喜
亦投壺門冷僧長往官清道更孤吾君能大
用皇宋即唐虞

閒居書事

無才動聖君養拙住山村臨事知閒貴澄心
覺道尊成家書滿屋添口鶴生孫仍喜名多時
雨經春免灌園

贈華山致仕韓見素

東觀集 卷一
盡垂華髮戀金門獨乞懸車未五旬清世一
般為隱逸碧霄兩處應星辰繡衣脫下寧方
貴錦帳眠來不稱貧瀟洒易添新道氣光陰
難散舊風神老輕白傅方歸洛亂鄙黃公好
避秦象簡豈同青竹杖薦冠爭勝白綸巾世
間名系昌朝客物外銜稱太華人醉指鰲頭
為別業吟誇仙掌是比隣劍生塵土揩磨懶
書帶煙嵐晒曝頻石鼓曉聽殊待漏玉潭時
看異迷津琴憐徽外聲彌遠酒愛菊中味更
醇精細處方因療鶴等閒開食為迎賓芝田
女僕皆能采蘭佩兒童亦解紉丹訣有靈還
似性詩篇無病恰如身要君計想嫌弘景棄
空翻應笑子真預築全家上昇日願停絳節
喜相親

和呈冠寇相公見贈

深嚴相府絕纖埃宴會尋常召不才孫閣有

東齋集 卷一
歌凝翠黛名崇無論銷青苔鳳池即有三迴
入螭舍曾蒙數度來仍贈雅章慚繼和朱門
將獻又徘徊

謝呈寇相公召宴

兩度為霖為鎮臨春殘公暇宴棠陰周瑜辨
樂寧妨醉裴度論兵不廢吟五色詔書丹鳳
降十香御酒翠娥斟野人每喜陪樽俎三入
惟愁阻訪尋

上知府寇相公

文武稟全才何人更可陪有官居鼎鼐無地
起樓臺聖主詩方和親新王狀始迴鎮臨求二
陝調變輟三台鳳閣須重去龍旌暫擁來下
車三度雨上殿數聲雷未暇瞻圭璧光蒙訪
草萊幾思趨相府恐懼復徘徊

寇相公生辰二首

嶽瀆精英氣來鍾積慶門何時坐時上相明日

身齋集 卷一 四
是中元仙藥寧無種靈椿別有根佇期三入
後一品見玄孫

其二

奕世英髦命世賢懸弧時節早秋天蟾光望
處將三五鳳曆推來却半千功向清朝終突
兀壽同皇祚合連延預愁來歲逢今日不得
中書獻此篇

謝寇相公見訪二首

晝睡方濃向竹齋柴門日午尚慵開驚迴一
覺游仙夢村巷傳呼宰相來

其二

中書兩入寇尚書出鎮雄藩半載餘棠樹陰
中無訟聽聞騎寶馬到茆廬

寇相公生辰因有寄獻

宋朝元老更推先已咏功成二十年好去上
天辭將相却來平地作神仙坐看雲岫資閒

興卧聽寬裳引醉眠
多少年辰獻詩者應無
真禱似狂篇

和臧奎秋夜書懷

林中獨坐欲中宵
落葉紛紛觸壞袍
月影漸移蛩韻急
雲華初上鶴聲高
四時催老秋偏感
萬事縈心夜更勞
猶賴清風知我意
頻吹庭竹助蕭騷

上知府袁刑部

星辰雖應碧虛中
富貴情疎道氣融
繞野雲烟陪淡薄
入衙山水學清通
申湖靜泛孤舟月
棠樹涼生一扇風
却有祖先難似處
獻詩民住樂郊東

謝薛端公寄惠紗扇

鶴色紗蒙烏府寄
裁衣不稱著林中
水亭君有親題處
留待他時染碧籠

寄太中山人

東觀集 卷一
太白空來數百年貫之今稱隱其間靜應嘆
我藏名拙惹得人多到竹關

上知府趙侍郎二首

往哲英靈在重生出鎮初傳巖存舊跡棠樹
認前居美化民歌寔流言帝覺虛暫來淹外
郡再入老中書善欲皆升舉奸思盡剪除登
科唾負鼎避事鄙懸車權助天生殺才隨道
卷舒百官憑整肅萬物待吹噓接士殊龍板
尋僧却隼旛嘉謨常啓沃諫草旋焚如赤子
方安枕黃巾亦荷鋤囚無經宿禁農有數年
儲山勢朝衙署河聲貫里閭野人攜此咏將
獻幾躊躇

其二

坐棠虛廟堂俗亦似身康藥按仙方鍊茶開
御印嘗吏因呈案懼民為立碑忙公退無退
事逍遙亦道粧

冬日書事

一月天不暖前村到豈能聞聞啄木鳥疑是
打門僧松色濃經雪溪聲澁帶冰吟餘還默
坐穉子問慵應

盆池萍

乍認庭前青蘚合深疑鑑裏翠萍稠莫嫌生
處波瀾小免得漂然逐衆流

留題敷水季先隱居

棠樹陰中來得得蓮花峰下去遲遲好將門
外巖磨取為到西巡御賜詩

送趙侍郎移鎮長安

千騎蕭蕭曉發時雨先一夜灑長岐盡知暫
去臨鶉野即看重來向鳳池函谷亂花明劍
珮灞橋垂柳拂旗旌不同調鼎民皆樂秦甸
歡呼陝服悲

送王專推官赴任河中

東齋集 卷一
聲華籍籍祖風存况近佐風流謝使君健筆想
無書債負漏卮應少酒知聞馳裝劍懶從人
借謁廟香非為已焚好對前山思節儉夷齊
餓死舜耕耘

酬薛田推官見贈

紅蓮客惠碧雲篇未及他山買石鐫且選眼
前粗竹中和烟大刻兩三聯

謝王耿太傅見惠藤牀王虞部見惠藤

枕

藤牀藤枕睡騰騰軟勝眠莎與曲肱知似邊
韶偏寄惠夢中長亦感心朋

苔錢八韻

物外幽竒物吟看復嘆吁豪家如可用窮巷
却應無閒共憎贏得卑嫌俗競呼山疑和雨
買地似帶烟租密鎖怜庭竹深藏恨砌蕪貪
多寧損志嫌少不為愚良冶何由鑄常流豈

東觀集 卷一 九
易圖野人惟自愛難把悅妻孥

題崇勝院河亭

陝郡衙中寺亭臨翠靄間數聲離岸櫓幾點
別州山野客獨思住江鷗亦忘還隔墻歌舞
地喧靜不相關

送徐道士赴闕

捧詔異常倫無官豈累真瓢知空似性琴相
重於身卧必思雲切行應待鶴頻林間起相

送暫覺世還淳

寄贈藍田王闕寺丞

藍田名冠古京華詩匠移風更可誇解使射
生人改業能令逐熱客安家韓文公記存廳
壁王右丞居對縣衙見說諭閒偏住處悟真
寺最好烟霞

送趙寺簿東歸

官滿猶如下第貧軒車近賴舊田文九臯禽

東齋集 卷一
畔偏辭我六出花中獨送君
易把當盃惟俗物難持
盡路是溪雲孝終且覓甘棠卒談笑
還圖得其再聞

和寇寺丞夏日遊麗春園

麗春園甲召公城池想遊魚恨至清
一簇樓臺如畫出數群鷗鷺似家生
芰荷香裏垂綸坐楊柳陰中把卷行
不領管絃惟靜憩相門年少有高情

謝龍圖李待見寄二首

烟霄閒似在煙霞惟有龍圖學士家
和了御詩垂錦帳卧聽仙樂出宮花

其二

遙知清貴孰能攀天上閒勝地上閒
除對聖君論道外時題詩句落人間

喜岐賁王闢見訪

久別思方切同來宿敝廬
閒聽一夜話勝讀

十年書拙喜交情在貧慚主禮疎共嗟高會
少且願躊躇

謝孫舍人題名水亭因有紀念贈

紫薇客寫青苔壁不與尋常姓字同多謝溪
烟知我意預先替作碧紗籠

贈潘閻

昔年放志多狂怪若比來今總未如從此華
山圖籍上又添潘閻倒騎驢潘閻昔有過華山詩昂頭吟望

倒騎驢之句故云

春日述懷

春暖出茅亭攜筇傍水行易諳馴鹿性難辨
闕禽情禽妻喜栽花活兒誇闕草羸翻嫌我慵
拙不解強謀生

同大孫狀元送楊甫之蒲中

蒲本舜都州君思獨去遊雲分五老頂河噴
二妃樓雨足果全熟霜遲葉尚稠此行貧莫

東觀集
卷一
三
嘆飲餞是三頭

送王衢赴舉

獨薦因公道孤寒去若何
遙裝行李少近事
祖筵多小雪飄嵩嶽微
冰結汴河歸來乘馳
馬林下願重過

寄贈陳越兼簡臧奎

君遊帝里共喧喧
我向溪邊獨悄然
工部聲華窮委地
翰林風骨醉看天
朱門想少投封
狀兩制應多借盛
編佇聽彤庭呈試
罷龍頭相讓一人前

白菊

濃霧繁霜着似無
幾多光彩照庭除
何須更待螢兼雪
便好叢邊夜讀書

東觀集卷之一終



國家圖書館, NATIONAL CENTRAL LIBRARY, TAIWAN, R.O.C.

夏...
卷一
三

東觀集卷之二
詩

四十自詠

閒心雖不動記性覺全衰
棋退難饒客琴生却問兒子慵
農器信身散道裝知筆硯將何
用除因改舊詩

喜大孫狀元見訪

道同志貴賤陋巷每頻看
相見惟呼字留題

身藏集 卷一
不着官狂吟無所忌靜坐有餘歡却恨歸公
署茆堂會宿難

謝師刑部見召

錦帳公餘後紗巾召見初一言忻契合三拜
愧生踈見賞詩多拙方知譽轉虛猶能時遣
吏相問到貧店

贈三門漕運錢舍人

相知有宿緣一見兩欣然我拙宜名野君廉

恨姓錢唱酬思擱筆迎送愧樓船却恐徵歸
關疏慵砥柱邊

送太白山人俞大中之商於訪道友王

知常泊歸故山

羨我詩中偶有名輸君物外更無縈水聲山
色為聲色鶴性雲情是性情四皓雲間尋舊
友三清路上指前程連天太白從君去林下
何時得再迎

東麓集 卷二
暮秋懷潤師

風清月白樹紅時無柰重城隔潤師却羨潺
湲堦下水夜深流入白蓮池

聞潘閔新授滁州散參因以寄賀

江鄉去相勝還鄉官職尋常事不常會得勝聖
君無別意只應圖繼賈司倉

送朱台符學士關西巡撫

聖主念黎庶選君來撫綏望高虛兩制權量重

帶三司帝澤隨車布文星逐郡移語稀如學
淺僕少似官卑疏減民間賊編添馬上詩經
遊伶勝異迎送厭歌吹寒別申湖晚晴過華
嶽遲瓊林想迴日未失賞花期

陪喬職方泛舟之三門謁禹廟

波浪濺旌旗東游謁禹祠千秋花發日兩院
獄空時城裡閒棠樹船中舞柘枝晉公曾契
洛不召野人隨

冬日述懷

癭枕閒歌葦箔寒浩然情性雪晴天却嫌雛
鶴饒聲氣驚覺茅簷曝背眠

和三門竇寺丞見寄

風情不獨少人同滿腹書寧愧郝隆職務恰
如波正急輜囊長似獄長空柳藏衙樹侵隄
綠旗插樓船照岸紅見說公餘無一事題詩
多在禹祠中

送李主簿之任南陵

無嘆徒勞向宦途不群氣岸有誰如南陵暫
掌仇香印北關終行賈誼書且喜江山尋勝
境莫辭韋布別幽居少年躍馬同星使免得
詩中道跨驢賈島外主簿跨驢歸

酬王太傅見寄

錦川誰為寄陽春清淨堂中清淨人二十八
言刊石處長如列宿照閒身

東觀集 卷二 四
題潤師禪亭雙竹

離藜並長對禪高乍見翻疑是一莖我恨與
師居隔郭他生願似此君生

謝喬職方惠山菜

山菜尋常見眼明使君偏賜況新生野人屈
指皆知性老圃從頭不識名五鼎減來為異
味一簞添出稱一作更閒情兒童笑道真嘉饌
詩思因餐覺轉清

送丕上人南遊

江山獨去遊遊遍如應休雲外敲清磬船中
刺白頭阻風孤島晚聽雨二林秋南國多嘉
境詩牌幾處留

和王衢見寄

久向東郊往暫同麋鹿情遊山歧路熟見客
禮儀生藜秋新仍重荷花破轉輕身猶為外
物詩亦是虛名自愛閒無悶誰憂道未行絕

疑踈日者相許愧時英窮易憐無着圍棋惡
有爭惟應心友至林下咲相迎

送師刑部赴闕

白首休嗟嘆君方任老成鳳書纔入手鵲印
喜離身錦帳眠來舊花磚步去新離情棠樹
曉吟思洛陽春御札催應併天文動已頻拜
迎臺有吏泣送卷無人寺宿知題壁山行想
駐軒從茲歸近密閒謁轉無因

河中孫學士以詩見寄因次本韵繼和
三章用為酬贈

表裡山河舜帝基聖君館殿選賢知開筵想
任佳人擁遊寺應嫌俗客俗一作吏隨政訝龍黃
推絕席文疑元白豎降旗逍遙樓迫閑登處
幾望皇唐御製碑

其二

入居蘭省歸群望出守蒲關自聖知清禁乍

東觀集 卷二 六
辭仙漏遠白樓閒上綵箋隨伯夷廟下停金
勒大舜門中亞繡旗遙想雄藩多少境祇應
公暇適留詩

其三

山前衙署枕河湄遠意索居事可知華省圖
書雖暫別故鄉風物似相隨遶城奔浪喧更
鼓隔岸征帆映酒旗刻石將同玉閣長永留
遺愛向歌詩

送劉法曹東歸

上官多是歎窮途得替行裝盡有餘惟有甘
棠劉法椽來時騎馬去騎驢

贈崇上人

張籍眼花心不昧崇師耳贖性還聰是非言
語徒喧世贏得長如在定中

送藏奎赴舉

艱難天府解去掇喜還悲舊相和文薦偏親

東觀集 卷二
帶病辭劍如劍機不用琴似影相隨僕為初招
顛驢因淺買羸窮途誰惻隱貧巷自裝褌錢
送重陽後禁歸上巳時泪多同永別酒少若
輕離又使林中客從今役所思

贈穎楊知縣劉燁著作

門風是相門積慶豈須論祖德書儀在科名
榜貼存政聲聞牧豎墨蹟見花村物論將微
用多應入諫垣

聞張師德狀元登第因以寄賀兼呈梁

固狀元

科場消息到柴扉皇宋風流事可知封禪汾
陰連虎榜狀元俱是狀元師

寄贈河中表兄李瀆

早年聲譽壓群公恥與浮華鬪競同似我枉
教縻好爵如君方信是冥鴻軒車少見權門
下圖籍多于秘閣中獨豈聞聖朝無賀監退藏

身舊集 卷二
自怯藏堯聰

寄和并州劉密學見贈

還如裴度鎮河東
百萬軍民畏愛中
鐘鼓久喧刁斗靜
旌幢一指雁門空
瀟湘故友叅時務
燕趙佳人接土風
密地再歸知不出
莫將行馬約蒙童

寄贈三門遭運卞寺丞二首

威權自與轉輸同
僕從衙庭事事雄
十郡山河關職務
一門忠孝是家風
圖書半在仙舟裏
碑板多留禹廟中
閒想春堤遊賞處
桃花浪照舞筵紅

其二

三門遙想六龍家
多少春來事可誇
閣道尋僧同鷲嶺
樓船載妓勝仙槎
送迎幾拂新亭柳
巡歷時穿舊縣花
野客尋常思舊謁
却愁詩酒勢難加

東齋集 卷一
九
檉師告歸廬嶽贈之筇杖

瘦筇生本接西蠻我已攜來二十年
輒贈檉師歸老處稱將吟倚處溪邊

聞王衢王專下第有所感

忽見僧來說千愁集病顏聞君俱下第使我
轉思山疑欲鑽龜卜窮因嘆雉還此懷何處
寫月上太虛間

送藏奎之寧州謁韓使君

路遠邠郊外嚴冬去若何時平防賊少山險
下驢多塞色晴猶慘蕃音譯尚訛賢侯雖禮
待陟此願歌

贈長安知縣陳堯佐

少作長安宰尋常似隱夫琴書家慣有杖印
客疑無錦水心雖役圭峰眼不辜閒發歸葉
狀貧典舊山圖酒為廉猶斷碁因讓忽輸印
看聯鴈序相繼在蓬壺

東觀集 卷二
上致仕趙中令

王業致艱難功成退自安
問中獨有俸品外更無官
洛水垂簾聽高峰凭几看
惟應問安詔時復到門闌

題高都監新亭

高氏創高亭亭因地得名
半空雲咫尺百里鏡分明
襟帶三圍陝咽喉地接京
畫間多待士時靜少論兵
鐘磬聞蓮舍槍旗見柳營
吾

廬正相望不似在重城

上左馮陳使君

祖德相門闌分符衆比難
憂民如有病見客似無官
地鎮三秦重衙當二華
寒道心輕伏鉞詩性鄙登壇
佐幕多名士開筵少俗歡
星連蒲分野河帶渭波瀾
勸課耕初動行香漏未殘
書容吾道借琴聽越僧彈
拜勅風鳴佩朝元露顯冠
皇恩終錫馬清夢必駢驚
報國

東觀集 卷二
嫌言利脩真咲鍊丹高碑人待立此咏願同
刊

謝孫狀元寒食見贈

一首狀元詩封來到竹扉讀留寒食燭拜換
道家衣譽過心無愧酬遲禮暫非閒思播琴
裏誰更會玄微

送馬共之任內江縣尉兼主簿

驢上吟詩賈島同內江歸去指江東封疆半

在猿聲裡道路多穿竹篔簹中想得兩衙長鑠
印應過三載不張弓重登制策高科在筆硯
公餘莫廢功

送喬職方赴闕

一種徵書下九重漢唐賢士豈能同定歸金
馬殊黃散不解銀魚勝白公千騎擁行歧路
滿萬人泣送郡城空他時若繼前交代肯憶

崇郊鶴髮翁

喬職方將赴闕詔領河東轉輸再成長
句送之

河在控塞詔通儒二十餘州繫慘舒位列九
天應自致權除兩地更誰如薦賢表想殷勤
發詠物詩應取次書不為龍鍾頭半白好拋
泉石從軒車

留題滄州姚氏鳴琴泉

琴裡休誇石上泉爭如此處聽潺湲愛于琴

裏無地他意落砌聲聲是自然

將離藍田同王闢太傅飲于王氏亭聯

成二韻

白鹿源東滌水田西楊谷漠漠草萋萋野那堪
對此還醒別况是醍醐鳥正啼闢

東觀集卷之二終



國家圖書館, NATIONAL CENTRAL LIBRARY, TAIWAN, R.O.C.

東嶺集
卷二
三

東觀集卷之三
詩

謝馮亞惠鶴

殷勤親惠鶴迢遞自江濱
情性潭如我精神
酷似君舞思同坐看
喉想隔城聞從此添詩
景為題好共分

送元上人歸寧

禪性雖無著偏親
奈白頭真飛錫到方是倚

東觀集 卷三
門休雪裡猶思去
蒼前豈易留
如何迎待得
住近免離愁

咏懷

靜顧身兼世何須
哂復吁境牽情各有道
斷事皆無拜少腰
寧負眠多眼不辜
權豪任相
咲適性自為娛

酬謝商秘丞見贈詩牌

初得春方暖
今來歲已闌
紫泥辭却
易白雪

和終難頻拂心
忘倦時吟齒
覺寒會須親
謝去閒挂釣魚竿

和長安孫舍人見寄

長安君到轉民安
夏少炎蒸臘少寒
接吏管絃登月榭
勸農旌旆入烟巖
龍池似錦花堪賞
鶉野如雲稼好觀
見說添蘇亞蘇小
隨軒應是珮珊珊

謝喬職方惠書

東華集 卷三
珍重君郎一紙書親書何啻敵瓊瑤便回豈
易逢歸雁頻看應難長蠹魚先寄路經千里
外後批情更萬重餘靜思貴不忘貧賤當日
荊州亦未如

送陳越之河中寧觀

寧觀高堂舜井西欲辭東閣思依依三台筵
上飛觴送五老峰前負來歸莫嘆貴無蘇子
印且憐榮有老萊衣舊書達少應投杼新集
鐫多肯斷機紅菜村坊臨水迥黃花歧路入
山微重陽雖近難留住把酒登高會一作又
違

太保瑯琊相公見惠美酒因成二絕用
為謝

從前相輔豈頻出獨在中書十五秋太嶽汾
陰封祀了這回好共赤松遊

其二

東齋集 卷三
玉夜定從金口鞅曹樽分又到顏瓢雖無愁
悶憑消處翹藥恩濃豈易消

冬暮郊居

村落欲黃昏寒雲片片凝隔城鐘似磬遠岫
燒如燈名利堪彈指林泉但枕肱何由遂閒
散自喜本無能

送俞極山人歸太華

三峰倚太虛四嶽竟難如雲向方中起人歸

絕頂居道全忘世態詩必合天機不待辭榮
遠還應咲二疏

謝長安孫舍人寄惠蜀箋并茶二首

彩箋一軸敵瓊瑰喜見親題手自開遠勝浣
蒼人寄到貴從視草客分來百張重叠霞初
卷千色叅差錦乍裁紅藥篇章方雅稱老夫
無用擬封面

其二

東觀集 卷三 四
誰將新茗寄柴扉
京兆孫家小紫薇
鼎是舒州烹始稱
甌除越國貯皆非
盧仝詩裏功堪比
陸羽經中法可依
不敢頻嘗無別意
却嫌睡少夢君稀

和進士田亞父見贈

失意人方羨野人
因酬佳句謝知聞
都緣月桂終難捨
豈是烟蘿不肯分
且縱高情歌白雪
莫嗟下第負青雲
孤寒自古功成晚
那獨

昌朝只有君

寄題石都尉村亭

園林都尉宅景好
冠京華便合名金谷
其如是石家池塘分
御水樓閣見宮花
有容因來說令人動
嘆嗟

謝潘閏見惠白鷄

遠惠鷄同雪應圖
警卧雲如君鳴有信
似我素無文映樹迷
蟾彩臨流雜鷺群
朝昏何所

恨不共隔籬聞

夏日書事

尋常可出門况復在炎蒸短褐披猶懶長裾
曳豈能松風輕賜扇石井勝頌冰只此貧無
事常愁不易勝

寄贈長安宋澥逸人十韵

家盛翻嘉遯誰同物外情徵君為密友內翰
是難兄靜論儒家服狂歌俠少驚道粧輕紫

綬酒旆勝紅旌將相慵趨謁漁樵喜送迎門
開紫閣色欹枕謂河聲野鶴聽調瑟沙鷗看
濯纓烟霞連社曲桑姑接昆明丹訣皆親寫
芝田忽自耕終須盡室去相並掩柴荆

和陳官暮春感興

角冠閒戴任欹斜騎馬人稀到我僧家體盤
食惟笋味道情欄檻只松花驚回馴鹿林間
犬聒殺靈龜雨後蛙春去尋常何足歎自將

東華集 卷三 六
寂莫並繁華

和河中孫諫議見送同薛田察院之龍

門謁劉燁大著

閒憶披雲醉

一作輟

卧雲盡驚獬豸鹿同羣舜

耕山下辭廉使禹鑿門前謁宰君莫訝樓臺

拋接武却愁泉石動移文花時離別尤堪惜

頭白三分欲二分

登原州城呈張蕢從事

異鄉何處最牽愁獨上邊城城上樓日暮此
來惟有鴈地寒西去更無州數聲塞角高還
咽一派涇河凍不流君作貧官我為客此中
離恨共難收

送長安趙侍郎赴闕

嗣君徵舊相物論更無餘聖日歸黃閣台星
正碧虛四方聞樂只一郡泣漣洳灞水猶疑
噎秦雲亦不舒綺羅圍祖席朱紫擁征車從

東華集 卷三
樂時調瑟行厨忽饌蔬先碑惟選寺遮鋪只
擔書古道禾殘後長亭木落初朝官逢下馬
野客送騎驢從此門尤峻何由再曳裾

白鷗 并序

玉潤陳越監丞至伏蒙尚書寄惠白
鷗一隻者竊以南方獻處本期宿於
鳳池東榻寄來忽有先於蝸舍此蓋
尚書久怜鷗處特注鴻思捨已從人

遠辱嘉禽之惠以貴下賤難忘國士
之知野聞寡鶴鳴智同鳧脛言謝乏
碧鷄之辨報恩增黃雀之誠因作四
首

萬里南禽未說珍且論得處到來因尚書遠
托誰相寄制策登科第一人

其二

山鷄形狀鶴精神紋似連漪動曰蘋物異恩

殊堪鄭重廟堂人寄草堂人

其三

水國籠來到水邨也應懷土也懷恩曾為閒
客還同我今日俱遙憶舊門

其四

李白詩中聞未識謝莊賦裏見長思今朝得
爾心雖喜致謝慚無吐鳳詩

送王闢赴舉

何必問龜長知音在玉堂十全才衆許雙美
卷親裝雲少離山驛塵多近帝鄉花時新榜
帖先為達巖房

和玄武縣薛秘丞繼示手書因以謝之

至文忘貴賤豈可與常論少似君書札多於
我夢魂楊岐從蜀邑寫遞到烟邨倒篋時將
讀誰言我眼昏

秋霽草堂閒望

東菴集 卷三 九
草堂高扃勝危樓時節殘陽向晚秋野色青
黃禾半孰雲容黑白雨初收依依永巷聞村
笛隱隱長河認客舟正是詩家好風景懶隨
前哲却悲秋

和孫舍人重過陝下二首

二陝重過一絕強麻衣已變椹袍光數宵黃
閣延三字幾處青樓認五郎顧我豈能誇舌
在逢君寧復嘆蜚亡大龍頭喪同傷處吏隱

亭歌鄭谷傍

其二

一種分符兩種榮朱衣院吏擁紅旌全家首
赴鄭侯鎮半路重過召伯城迎步綺羅無舊
態隨軒絲竹有新聲野人相見欣還愧為愛
交情似世情

酬閏師見贈

絕唱知難繼因茲久滯淹隔年酬不得終日

東觀集 卷三
誦無厭曬曝偏防蠹收藏別著簽偶吟聊報
謝遲拙莫相嫌

乞箋紙寄犀浦王專著作

故人何處暫駢鷄犀浦封疆濯錦西五色綵
箋宜寄惠知君管得浣花溪

送王遷歸青社

此別重傷情寒天二十程弟分微祿送兒逐
蹇驢行雪蔽千山色水含萬水聲何時再相

見去去海邊城

送諤師赴王寺丞召寫碑

高才吐鳳欺黃絹墨妙迴鸞命碧雲雙美便
堪傳萬古羲之書法退之文

寄用晦上人

帝里如何忘舊山却因知己得名賢司倉道
舍惟無可吏部交遊祇大顛紫色袈裟無蕙
帶清齋襯施有苔錢詩中琴裡偏相憶用晦

東觀集
卷三
二
還應信仲先

和三門竇程寺丞見贈

禹門公署似仙居誰羨同年在直廬閒製曲
教鴉角唱醉吟詩遣鳳毛書蒙過村巷驚玄
豹命踏廳堦上白驢莫訝此篇酬和晚只緣
思澁豈情疎

東觀集卷之三終

東觀集卷之四

詩

同潤師宿三門開化院二首

白蓮社主碧溪人同宿三門寺裡雲四面
濤聲秋更怒並床猶恐話難聞

其二

瘦筇輕錫共攜遊眠柱峰前宿寺樓各有溪
居懶歸去經旬不是兩相留



東華集 卷四
寄題洪州華林胡氏書齋

高僧昨日到茅齋
曾向華林掛錫來
因說胡家宗族盛
御書樓對義門臺

三門留題

何由通九曲
始自鑿三門
夏禹功如小東溟
位豈尊奮鬣
當日窟鷄犬
此時村渦恐
和山漩濤疑
若石奔勢
愁奮地軸聲
想震天閻寺
廟中流聳烟雲
兩岸屯樓臺
疑蜃吐丹楫
畏

鯨吞遊客雖驚險
居僧不厭喧
如潮無振驚
似峽久啼猿
孤店經霜少
雄司漕運繁
人家無釣具
烏道有篋痕
喪膽尋遺跡
傷心弔溺魂
柝城唐記列
砥柱祖名存
况復詩書載
狂題媿雅言

寄太中山人

相訪住三年
初終道一般
知心于我異
屈指似君難
有物皆同詠
無書不共看
草堂今獨

東觀集 卷四
處寧免動長嘆

登龍門縣樓與知宰劉大著作將話別
因有題記

名士為官處登樓景好題
縣城蠶市鬧村野
鵲巢低日煖園蔬嫩烟晴隴麥齊
長宜同此望那忍認分攜

夏日懷寄四川峽路淮南薛藏王三運使

運使幽人酷暑時江邊林下雨何為
信旗君逐舟車動懶駕吾隨枕簟移
繡袂幾經梅雨灑葛衣一任竹風吹
蜀山淮甸棠郊外早晚相逢豁所思

贈王氏神童昆季

先後登科出玉京滿朝詩送更光榮
豈惟皇宋終難繼自古神童少弟兄

送俞太中山人歸終南

字貫之

東齋集 卷四 五
俞貫之辭魏仲先終南歸去落花天如何相
見還相別早晚溪雲一處眠

題鄂縣楊氏書樓

竹多千畝餘賣竹濟貧儒門掩圭峰隱樓添
鄂縣圖螭涎緣棟有鶴跡入泉無終約重來
此相憐卜養愚

送任乘南歸觀

歸觀江山遠如何叙別離數杯村店酒一首

野人詩趁渡憐舟穩貪程恨馬羸遙思到家
日記過落花時

偶作呈諤閨二上人

老雖無悶向茆堂忽忽還因物感傷積霧易
迷平地水孤雲難護滿天霜祥麟可向清時
見驚鶴那于黑處藏信意偶然成此詠祇堪
閒寫與支郎

和人見詠新鶴

身藎集 卷四 四
雪霜毛羽瘦形儀養處人家覺道肥龜有壽
齡方可近鷺無仙分莫相依千衣年松上疑孤
立五色雲中好共飛不競棲巢爭啄飲也應
難免眾禽非

出戶

出戶下莎庭徘徊當踏青靜嫌鶯鬪古閒愛
鶴梳翎雲好昂頭望一作松宜側耳聽便堪
為藁引誰信可延齡

次韵和薛端公歸故里之什二首

茵旗影裏椹袍身迎入蒲津免問津策蹇去
時為舉子采驄歸日是功臣豈同化鶴千餘
歲纔過登龍十數春開宴會聞傾錫賜酣歌
喜殺故鄉人

其二

尚輟通儒外計籌堂堂身豈等閒儔綺羅
啖別文翁郡錦繡榮歸舜帝州貫酒村穿紅樹

過讀書寺入翠嵐遊逍遙樓對家山迴得意
詩銷此處留

聞雷宣徽薨背勅葬歸鄉

聖代賢人喪何人不慘顏
新祠民祭祀舊債帝填還
鹵簿塵侵暗銘旌淚灑斑
功名誰復繼勅葬向鄉家一作山

和馮亞寄進士孫礪

閒思生白髮懶更把菱花
久別何州住相尋

恐路差獨飛傷傷塞鴈會宿羨林鴉
猶得君為友時過老母家

送唐肅察院赴闕兼呈府尹孫大諫

東郊祖帳慘西風愁聽陽關曲
調終赤子泣皆穿繡袂白驢鳴亦戀花
駝觸邪暫立龍墀下
瀑直將歸鳳闕中大尹相逢憑仗說
官高不敢寄詩筒

和酬益州劉大著同運使薛端公見寄

之什

遙思歸水會荀陳共指崇郊憶卧雲青眼雖
然蒙望我丹心不覺恨輸君離情杳杳三千
里老病慙慙八九分惟待急徵同赴闕一時
得見向溪濱

遊藍田王順山晤真寺

藍田王順昇仙處白傳曾題似更稀野客暫
遊期欲住山禽何事叫思歸稱心不獨烟霞
媚適口仍逢筍蕨肥兩日正當寒食日家園
忘却芳菲

留題仙遊寺

將從三峽泛扁舟先向仙遊寺裏遊水石却
驚偏怪異江山狂興一時休

清明日離藍田白鹿原寄王太博

白鹿原來曉色中人家新火翠烟濃豈惟心
友難為別驢上回頭戀玉峰

寄淮南制置使薛戶

西自荆巫徹海涯南從吳越接京華
半天下管權何重兩地閒遊路不賒
山澤利均資我國江湖境盡屬君家
帝心已簡身寧愧使額雖雄性不奢
數道轉輸歸檢察滿朝才子動吟誇
芟除奸詐窮毫髮舉薦廉賢一作能在齒
牙彩旆雙飄為從物畫船一簇是行衙
已聞村落添農器漸見汀州減釣車
不使菰蒲侵黍稷將令橘柚變桑麻
台州頂自尋仙藥建水湄親採御茶器
量少如波浩蕩風謠多似櫓嘔啞閒尋僧
話穿雲葉靜聽漁歌隔浪花野客唱酬容
散拙郡侯迎送厭喧譁攜筇未遂攀陪去
溪士時時動嘆嗔

懷宗人仲容

尋常念朋友况復是宗人
久別彈琴少相思擲掛頻
旅遊湘水遠家寄華山貧
早晚重來

東坡集 卷四
此園林又過春

和何學士見詠新得鶴

喜得華亭鶴看承過所宜防飢先種稻憂預病
鑽龜易愜眠雲意難酬卧錦詩不緣過郡謝
步步在相隨

夏日雨中題諤師房

夏雨下如繩虛廊減鬱蒸濺琴移榻避添硯
就簷承暗喜同田父閒聽共野僧苦吟題壁

上欲改又慵能

送外甥李渭進士赴舉

棠樹掄材過禮闈孤寒得解更光輝進身喜
逐賢侯表裏足愁分老母衣千里冬殘傷獨
去一家春盡待榮歸頭方念爾還如我到闕
何人許扣扉

和酬入內趙供奉見贈

出入宮闈侍從官再過林下信溫顏朝天駐

東齋集 卷四 九
足因臨水馳驛回頭又望山捧詔正當趨桂
殿寄詩那忽到松關老來詩思尤枯竭莫怪
陽春不旋還

和薛察院同龍門知縣劉大著泊數公

禹廟留題

七人廟下立徘徊相顧閒心幾欲摧落日堪
傷四散去再來難得一齊來

三峰主耿殿丞將移陝下通理先已同

袁刑部以唱和詩見寄因次前韵和

酬二首

君移棠樹民皆喜我住東郊却懶誇拙性怕
逢詩債主病身愁見酒讎家郢辭溫潤如絲
兩蜀紙鮮明似綺霞况是已經仙手和點頭
空使角冠一作巾斜

其二

蜀出多材信不虛淹翔猶未佩銀符民間惠

東麓集 卷四
愛因者有馬上歌詩豈暫無休語語卜隣來草
澤即看得路去蓬壺申湖公暇閒遊地賀監
何須說鑑湖

百舌鳥

長截隣鷄叫五更數般名字百般聲饒伊饒
舌爭先曉也待青天明即鳴

送吳石赴舉

吳生重赴舉輕別重傷心貧友欲沽酒豪家

不典琴溪僧來會送國士到爭尋預想登科
後無因到竹林

暮秋閒望

水閣閒登望郊原欲刈禾壞簷巢燕少積雨
病蟬多砧隔寒溪搗鐘隨晚吹過遍舟何日
去江上負烟蓑

寄王仲通

仲先別仲通長憶又長慵有夢應相信無書

東觀集 卷四
想見容塵埃五十驛山水幾千重老去難尋
訪何時得再逢

送王太博抽赴闕

憲府吾皇注意偏君今應詔合居先蛾眉班
綴千官上鹿角揚威萬乘前貴戚望風從此
日貧交披霧是何年想忘枉駕相辭處草屋
門開雪滿天

寄陳越學士

損之不見數年餘萬種相思一事無惟有近
來茆屋夢為君時復到皇都

東觀集卷之四終



國家圖書館, NATIONAL CENTRAL LIBRARY, TAIWAN, R.O.C.

東
華
書
局
卷
四
三

東觀集卷之五

詩

薛端公寄示嘉州道中所作因次韵以
答

繡衣不間薛蘿衣春暮嘉川入詠思憶我茅
廬歌枕處當君駄馬着鞭時展眉喜近龍頭
境回首傷遙鶴髮期從此親題山館裡多情

頓掩閭仙詩

賈島有嘉
川之作

東坡集 卷五
送劉燁大著移任龍門知縣

天上書先夢裡傳
列施仁政減春寒
尚虛鰲嶺神仙任
暫作龍門父母官
愁悶豈能增假寐
笑談直恐絕清歡
不緣潦倒長相遂
免得離情有萬端

送壽師新加命服後歸蜀

日照孤雲作彩霞
帝鄉風去送天涯
野人遙望歸何處
萬里峨眉便是家

書閨師白蓮堂

野人禪客合相陪
漸老詩心亦共灰
朱草階前容不去
白蓮堂上喜頻來
地形各占幽深境
天產俱為散逸材
猶恨東郊西寺遠
閉門難並水邊開

寄陳越學士託附魏仲容

取次升沈論等差
雲霄獨不忘泥沙
常流對面如千里
密友終身似一家
魂夢因君遊輦

東觀集 卷五
轂書題為吾寄烟霞仲容到日還應說半紀
相思兩鬢華

送王專王衢之許下自維揚謁孫學士

王舍人

蹇驢並跨跨引羸童兩地迢迢謁至公才力互
相鸚鵡敵交情深與鶴鴿同薛能詩在僧樓
上張祐名題酒肆中到日知君尋賞日醉吟
還可繼遺風

送錢國博知坊州

遙為坊民賀一方壽星偏去照光芒解攜朋
友龍三處隨侍兒孫雁兩行芳草路中車突
兀落花風裡旆悠揚眠雲客裡難陪從空遺
吟魂倍慘傷

上知府李殿院十韵

詔選來棠樹花驄擁旆乘飢民期再治寒士
賀中興鹿角誰傷觸狼心自戰兢只求天子

信寧避世家憎竊聽無餘 惟愁有急徵每
因公宴樂方遣妓祇承才薄終難紀情深豈
易勝相親容似鶴不拜許如僧郡閣招看雪
溪亭訪躡冰轉求詩老退何以答褒稱

新井

林間鑿井新里巷汲來頻及見羸瓶者翻思
抱甕人乍嘗牙覺冷試煮茗尤珍從此前溪
水潛輕似不仁

書黃池谷王山長屋壁

仲先曾過仲淹家書院穿雲一徑斜勸酒莫
嫌無樂送溪聲鳥語在山花

送楊侍禁赴闕時有甄先生相隨因為
之賦

一種皇華覲紫宸文資換必異常倫隨軒已
有三茅客下榻寧無兩制人清洛聽應移足
懶碧嵩想有轉頭頻他時乞得休官後莫負

前言作善隣

和蹇藏用暮秋郊居言懷二首

村落秋窮興不窮
黃花紅葉照衰容
時平轉稱千般巧
年長仍添一倍慵
林下移筇聞遠水
洞中歌枕見前峰
與君隣里何相似
來往人多是老農

其二

敢學宣尼嘆道窮
閒心何處不相容
交朋盡

笑龜蒙散隣里
偏諳叔夜慵
晚吹清冷雕
萬未殘霞紅
淡映三峰為
憐今歲於中稔
欲遣兒孫亦務農

謝劉小諫寄惠雙鶴

令威兄弟涉烟渡
諫署人教到
薛蘿毛比君
情猶恐少格如我
性不爭多相呼似
說冲霄志對舞
初聞擊壤歌
仙術無能騎謝去
青雲未免阻閒過

身集 卷五 五
次韵和同里王耿殿丞見贈

年來暫屈佐元戎，富貴真宜在葉宮。
性潔恥分錢子母，清時懶話劔雌雄。
公心似水逢形鑑，和氣如春觸物融。
莫道州民俱受賜，好詩編得有誰同。

送唐駉殿院蜀中提刑赴詔兼呈孫大諫

花駉出蜀瘦行難，急詔乘輶定峻遷。
清雪人如辭父母，白雲客似別神仙。
看曉望晴霞爛

慢伴宵征暑月團，圓圖寄語集賢孫。
大諫莫嫌未知舊詩篇

雪中書事上李階殿院

草堂高迥樂郊東，西望楮筇景莫窮。
山水城池雲棄裡，管絃樓閣雪花中。
須知應瑞因仁政，不獨呈祥自帝功。
太守多才又多暇，唱酬翻怯見詩筒。

獨酌吟

東菴集 卷五
獨酌獨吟誰與共天為知己月為朋水邊醉
卧無人見席有烟莎枕有肱

謝薛省判寄惠鶴

早輟仙禽寄逸民年來亦似厭家貧時時東
望長鳴處應倚朱門舊主人

送蕭咨下第西歸

驢瘦懶加鞭遲遲念獨還聽鷄行曉月嘆雉
過春山渭入黃河濁雲峰紫閣閒明年公道

在莫便松關

掩

謝張中允見訪

園林花木發豈是為遊春深愧青宮客先尋
白屋人兒童驚萬綬僕隸咲紗巾踏雪攜詩
謝朱門必許親

酬和知府李殿院見訪之什往來不休

因成四首

暫擁紅旌到郡新相知情似舊交親盡驚慷

東坡集 卷五
慨山河主忽訪支離草澤人
蘇徑讓慚揚綉袂
溪橋迎喜整紗巾
留詩中貴仍揮翰
雙美應難繼後塵

其二

玉韻重聽倍爽神
銀鈎忽覩更躬親
郡侯喜是風騷主
野客慚為唱和人
稍霧曾侵紅綉旆
異香猶惹白綸巾
兩篇篋裡貞珉上
頻拂看寧有蠹塵

其三

使君悞訪樂郊民
顧我何由得暫親
茵旆動驅千百騎
茅亭纔着兩三人
旋燒陸羽烹茶鼎
忙換陶潛漉酒巾
可愛水邊松竹上
數朝猶自有香塵

其四

雖喜乘駝到水村
却愁詩敵勢難親
平生未豎降旗客
臨老將為棄甲人
勇角勇無心害

東觀集 卷五
物雞皮怯有汗沾巾數篇勉和情枯竭潦倒
詞鋒息戰塵

送王太博知建昌軍

莫歎三山隔五雲建昌境好說紛紛雖然尚
作貧才子猶免潛呼老使君遠逐朱輪輸雁
陣間親畫舸羨鷗羣棠郊獨恨分攜後高論
何時得再聞

暮春雨中作

獨院信寥寥蠶生穀未苗殘春無數日積雨
復連宵不恨流光速惟傷去路遥那堪當此
景時見落花飄

送蹇藏用之平陽

蜀客貧遊晉山川木落空軍閒無 寇儉俗
有堯風雁急長天外驢遲落照中聖君方選
士莫使嘆途窮

和絳臺王都官

東觀集 卷五
絳郡境閒聞人家可閉門馬嘶花下路犬睡
月中村吏亦擎書卷民皆挈酒罇行春思隱
逸多謝動吟魂

送袁景宗之荆渚寧觀

荆渚北堂寧聖善棠陰東閣別嚴君雪村山
館思親夢二十餘宵兩處分

寄龐房

愛于瘦馬上吟詩孟浩然真更以誰雅稱自

圖將畫看况君小筆勝王維

和酬李殿院見訪之什

清嫌水有不清冷閒擁朱輪扣掩扁樂廣喜
披溪上霧戴逵慚詔月邊星高情稱就雲為
幕雅咏宜鐫石作屏竹裡小庭從此後因君
堪號降賢亭

寄題閩鄉李氏茅亭

閩鄉古邑有吾親河上茅亭結構親新五分老

東菴集 卷五
明為北里三峰咫尺是西兒，隣孫不厭閒遊。
客鷗鷺偏諳醉主人，彼此閒雲相隱夢從今。
應更往還頻。

和醉李殿院似野將遊吳蜀二首

將從西蜀下三湘，清世那憂道路長。杖屨雖
然游自在，旌旗寧免到淒涼。召公化寔宜歌
咏，謝傅詩尤愧發揚。願得德星歸未動，光芒
依舊照毫芒。

其二

攜得筇枝背得琴，欲浮蜀浪陟吳岑。本期勝
境酬雙眼，却恨虛名阻片心。出似蓬飄寧免
醉，住如匏繫不妨吟。重酬雅咏重思想，太守
相留意最深。

上知府大同王太尉六首

兩地曾辭最重權，功如溫樹懶能言。從來富
貴知何限，少有元戎是狀元。

其二

暫輟居留從洛邑坐棠亦恐不多時
皇儲新策聞求輔位冠春宮更是誰

其三

五等諸侯稀五福三朝官只欠三台下車一
變熙熙景賓閣多開印少開

其四

健擁旌幢七十餘苦吟還似在山居
腹中萬

卷猶嫌少更待隣州借僻書

其五

薦士滿朝稱弟姪教民到處過兒孫
就中治陝偏清淨不似侯門是道門

其六

子細曾看九老圖科名官職盡難知
更思呂望同君歲猶自磻溪釣魚池

吾友山陽蹇子韞常游潁上言彼之居

東坡集 卷五
人有許氏者富不因貧學非求進于
郡之西手植衆木鬱然成林林下構
亭壯而不麗郡倅黃公宗旦皇宋有
名之士也常造焉尚缺歌詩以旌其
美故俾子請詩於予為題八十言以
寄

道勝富如貧亭臨潁水濱一瓢思祖德三徑
與僧隣虛白雖同性丹青不似身趨庭知有
子下榻豈無人紉佩蘭多老成谿季盡珍開
筵迴雪少聯句聚星頻家譜書難脩州圖畫
不真遙題應未的莫把刻貞珉

上知府大同王太尉

履歷三朝五十春坐棠難見輟元臣分茅已
是無雙將折桂兼為第一人郡邑暫為勞撫
恤華 尅日望陶鈞下車未暇求民瘼先向
東郊訪隱淪

東觀集 卷五
酬贈絳臺錢太尉

分符不獨得民誇
玉署清華有棣華
重耳山河初作主
闔閭宮闕舊為家
風飄樓閣高低
樂日照地塘上下
花多謝到州農
未勸雙金光沐寄烟霞

別雲臺觀同宿饒益寺與薛聯句

自古人人足嘆嗟
閒游得侶復堪誇
野可憐十宿無喧雜
不在僧家即道家

東觀集卷之五終



國家圖書館, NATIONAL CENTRAL LIBRARY, TAIWAN, R.O.C.

東
華
大
學
圖
書
館

東觀集卷之六

詩

和酬張井見贈

溪上閒居四十春
春溪蘭珮蕙為紳
自知吟咏非經濟
誰通機謀學涓濱
三尺焦桐勝面友
數家老圃是比隣
少年小謝攜詩什
來訪疎慵潦倒人

啄木鳥二首

瓜利嘴還剛殘陽啄更忙千秋蝨如盡一服
餒何妨形小過槐柏聲高近草堂豈同閒燕
雀惟解占雕梁

其二

亂繞園林啄終朝意若何莫因飢不足翻愛
蠹偏多渴映隣溪下驚從別樹過辛勤詠還
囑無損好枝柯

送張先寧觀

千里寧親去青春勝老萊苦辭留不住堪送
到方回行色秋仍慘離聲晚更哀前程如有
信新雁好頻來

送黨宣員外赴闕兼呈劉少諫

行裝堪入畫何如馬更羸于到任初棠樹喜
拋州郡籍蘭臺宜掌國圖書草茅綠未侵官
道柳眼青光近帝居願共耀卿來舊地飄纓
擁旆過吾廬

東齋集 卷六
次韵和李殿院咏雪

瑞祥雪雲見盛時功輕苦雨謾霏霏墜來雖
作天花瘦消去偏滋壠麥肥太守登樓飄綉
袂秦人出戶混麻衣隣封願得還如此免說
春饑與晉饑

送李殿院移鎮淮陽

花廳秋健繡旗開漸送棠郊近帝臺耳目緊
官終拜去股肱雄鎮暫迎來兩州將相為交
代三徑漁樵阻接陪猶賴雅章留刻石時時
閒看拂塵埃

送武屯田赴峽路均輸兼簡臧殿院之

什

旌旗如火馬如風十二峰前少去同錦帳選
掄為漕使綉衣交代是家翁蠻兒亦在提封
內神女猶居畏愛中好繼金陵丁太尉留題
盡着碧紗籠

燈花

豈假栽培力自然殊衆芳
開非因雨露落不為風霜
鷄似殘鶯轉蛾如宿蝶
狂丹心塵豈染明焰霧
難藏墮睫客看懶畫眉
人剪忙杏園遊宴者曾
借我餘光

次韵和酬知開封縣錢易學士見寄三

首

赤縣滯清才家曾有國來埋
金寧變土燒玉

豈為灰敏手知誰敵冥心懶
自媒雅章蒙寄惠味勝沃醇盃

其二

遠勞仙館客相勉寄詩來豈
有口更嘆兼無心可灰來詩云莫嘆髮如雪且教心似灰貧資閒壽命吟助
道梯媒信拙過朝暮除能泥酒盃

其三

珠落銀鈎向玉牋不還合浦到溪邊
無雙雙

東觀集 卷六
美且堪愛似聽湘娥舞舜絃

送王太尉赴詔二首

功名不獨世推降五福天鍾更少雙倚柱即
看宣几杖休閒唯侍讓旌幢家園到想傾金
篋御宴迎應倒玉缺重過嵩山定回首白雲
深鎖舊吟窗

其二

五朝元老狀元稀乞付彤庭詔便依金鼎位
高將正拜璧田家近恐妨歸殊恩每過莓苔
徑別淚偏沾薛荔衣從此征車東去後甘棠
風物減光輝

謝王太尉惠書

貴不忘貧賤華緘到敝廬分明國如史子細
是家書晴有千重在詞無一字虛未諳親謝
去東望但躊躇

送蹇藏用省允

東觀集 卷六 五
迢遞西南路山多水莫窮波濤千里遠風雪
一船空海獸形難識蠻僧語不通此行志險
阻義與在原同

新栽竹

蒼翠兩三枝親和凍塊移旋吟酬得處就刻
記栽時已任雪頻洒未禁風苦吹幽人心自
足千畝復堪嗤

推
和酬何詠擁官見贈

杜牧科名李賀曹初官花幙莫辭勞年顏不
似詩情老公器還如酒戶高我稱卧游藍碧
嶂君宜立近赭黃袍雅章酬晚漸慵拙吟社
何人與破逃

送孫推官之闕下

此去知君免嘆嗟薦章先已到京華賓筵沉
滯才雖久仙省遨遊路不賒綠映酒旗村店
柳紅迎詩筆御園花幾多祖席棠郊外馬上

東觀集 卷六 六
迴看日已斜

留題華山陳先生舊隱

先生亡不朽太華合為碑至道雖無迹玄言
尚有詩亂飛雲似覓不食鶴應悲獨繞空壇
下山風動紫芝

和馮亞見贈

一生無一事兀兀復騰騰信脚雖過寺齋心
不青僧松篁為活計琴酒是良朋除却君酬

和一作他人亦懶能

送王專李安赴舉

同解約同岐情懷獨若為問愁離郡早留恐
到京遲歲晚催行計時豐省舉資前春渾化
去莫忘野人詩

送陝尉郡國華南歸廣州

召棠陰裡邵梅仙守選南歸路七千辛苦已
傷過嶺外別離那忍向花前到京店舍逢新

東觀集 卷六
火度越封疆入瘴烟相對與君頭盡白不知
後會是何年

和王衢見寄兼呈董行交父

棄繻東入武牢關帝里經年豈是閒鷓退暫
知淹鳳蒸鷗飛即看上鰲山討論想慰門入
意談笑應開應翰長顏公受知于王內翰惟我
塊然誰共處終朝門掩竹林間

渭上秋夕閒望

秋夕滿秦川登臨渭水邊殘陽初過兩何樹
不鳴蟬極浦涵新月孤帆沒遠烟漁人空老
盡誰似太公賢

過古戰場

戰死掩無墳生降恥負君古今魂易吊貴賤
骨難分狐兔迷莎徑烏鳶噪壠雲誰家有誰
婦曾此待回單軍

長安春日書事

東觀集 卷六
長安春色自依依大命移應地不知蔓草已
迷雙鳳闕千花猶照九龍池豈無東閣開今
日尚有南山似舊時一月悠悠游不足青門
欲出步遲遲

哭錢觀察

操麻授鉞器縱橫盡說長城指顧成嶽既孕
靈偏有意天何促壽太無情明堂欲建棟梁
折巨海將浮舟楫傾未得四旬餘載龍旌不

覺變銘旌

將遊蜀中恨有所滯至情難蓄發為拙

詩寄錦川峽路薛田臧奎二運使提

刑楊及

却為虛名動嘆嗟難如雲鶴轉天涯兩川尚
阻尋三友四海空傳是一家白髮無多殘歲
月青城何限好烟霞此生不遂閒遊去蜀魄
巴貽恨莫誇

疑山石泉 并引

陝城之東南五十里有山曰疑山山
之下有寺曰興慈寺寺之中有石泉
焉其水清而甘其味香而潔飲濯濯
洒無所不至有松竹以交蔭無泥沙
以相渾湛然內明外物莫撓野與友
人王專字貞一居于是詠讀之下但
有月上山有椒雖夜永天寒亦往觀之

矣傳云知樂水予寔蒙拙非思之于
兼濟但愛其虛澈爾噫山非峻以寺
而稱寺非壯以泉而嘉而泉非詩何
以旌焉因作一章凡二十句請貞一
書之于板俟好事者觀之

閒阮正嚴凝神和淡鏡澄至清無隱物微暖
不生冰派想河難雜源疑濟是用窺魚光照
鶴洗鉢影搖僧逗石聲偏響烹茶味更增四

東觀集 卷六
十
溟終必到八卦內先稱氣逐岩雲起紋隨竹
吹興戲游鱗未化呼應鳥相應靜樂慚非智
成章愧不能終朝臨處處淺亦兢兢

送端上人南歸

相尋如有事獨去似無依海內山遊遍江邊
寺始歸題詩當路少乞食入城稀肯學尋常
輩忙忙為紫衣

東觀集卷之六終





東觀漢記

卷六

十一

東觀集卷之七

詩

題陝府同判衙吏隱亭

小亭高岸出奇絕復何言墨跡唐丞相詩牌
宋狀元山形連二華河勢瀉三門吏隱真宜
此無窮景滿軒

聞李安下第有感

客攜春榜至開處倚柴荆未看御題目先尋

東觀集 卷之七
君姓名本期隣狀首看敢嘆滯文明一會玄穹
意默然室愴情

次趙尚書韻

將鉞截瓊瑤親題寄山野喜如再和味一作羹
快如重食一作食吞作身在焗廬中心懸雀臺下
龍門喜復登奔馳寧俟駕

送王衢之任德州推官

從軍重疊繼家聲雅稱風流舊信靈功業即

看輝聖日科名先已應台星絲蠶地說連河
朔戎馬塵聞近正是窮秋已多際不堪
回首向郊垌

經溫泉

堯水不墊民溫泉溺唐祚兵處洗不得翻為
天下汚山鳥徒咬咬翠華無問處

寓興七首

天地無他功其妙在自然堯舜無別聖其要

東觀漢記 卷之七
在知賢知賢無他術觀其出處焉堯苟不知舜徒云能則天

其二

每念李斯首不及嚴光足斯首不自保光足舒帝腹我心異老聃驚寵不驚辱豈敢示他人吟之將自勗

其三

秦鑑雖至明不能自然照燭楚劔徒刑利翻將云

自殺戮有國苟失賢若跣瞽雙目况履艱險途舉步成顛覆秦楚昧於斯寶器徒收蓄

其四

伯夷非好餓展禽非好黜聖人不私已動為萬世則夷齊苟就祿賊亂何由滅展禽苟便去何人肯佐國其跡則有殊其道萬為一

其五

聖人不避嫌小人不耻避伊尹放太甲董賢

東齋集 卷之七 三
居高位嗟嗟若此人堪愛復堪鄙

其六

天地勞覆載日月勞往還此向不能息何況
居其間鳥獸飲食外悠悠無貪慳如何人異
此晝夜机相關顧我道何如心足身常閒

其七

勿謂患至大君聖民有賴勿謂事至小父荒
子無告因思唐堯九年水少于驪姬數滴淚

寄河中王專推官兼呈孫學士

風流官職稱紅蓮花發多同太守筵綠醕十
分傾玉笋清商一部列金田鈿池塘閒詠倍靈
運樓閣時登異仲先更想清明倚公暇棲岩
謁過到應偏

寄贈桃林尉史温

知韞才能負壯心莫嗟作尉尚湮沉 求起
去登台席居易徵來入翰林望氣臺邊桑柘

東麓集 卷之四
密棄繻關畔水雲深
憐君况是徵君後
閒擬秋涼策杖尋

贈陝縣薛偕主簿

少年來作簿
英俊復誰如
好事雖聞舊
能官不覺初
耽憂因稼穡
廢寢為詩書
客戀門前住
民欣部內居
親料公舍竹
教種職田蔬
異日廳應鎖
清材本有餘

次韵和王希知縣見贈

從前宰絕文辭喜
遇今來併有詩
封禪榜偏推鳳藻
陶鎔筆肯轉稽遲
訟庭任靜猶忘寐
文會雖忙不後期
莫怪林間強酬和
一般民最受深知

送錢中舍移任洋州興道縣兼呈知郡

李屯田

鴛鴻出宰去如何
莫為辭親發浩歌
淹抑暫因民製錦
騫翔終預帝搜羅
尊前老淚流雖

東觀集 卷一 五
盡林下離腸斷已多却羨使君為舊友公餘
開宴日相過

贈孫何狀元

天非道莫尊道非賢莫存始知賢人生與道
為轅輪明廷親選士盧彼賢愚渾天子至文
明擢公為狀元一榜三伯人嘿嘿誰復言有
如鳳在竹衆鳥不敢喧威稜鹿有角度量海
無垠直入仲尼室不顧孟軻門文得古中新

陳熟甚已寬一字如一星光芒不見痕首官
來理陝棠樹換枯根淑氣春風和美化冬日
暄至誠物莫欺至明物莫昏平思治地陝清
欲變河源我生三十年未嘗離丘園朴性昧
巧習惟思道可敦貧巷無富車閒地惟雲屯
我願為松竹生在君子軒早夜接清風節高
陰更煩何當親教授如渴飲衢尊斯言拙且
直堪將鬼神論

寄友人臧奎

知己念不見塊然何為生慈母無醜于淡父
無妍情凍雲少舒卷獨鶴多哀鳴茲懷若為
寫援琴不成聲

別同州陳太保

至道不在言至言不在舌在琴復在詩諒惟
君子別侯門戟森森中介野人謁非趨勢利
心傷欲摧足凍欲折離聲無歌鐘行色有霜
雪去矣當復來琴絃未欲絕

夏夜與藏奎陳越會宿河亭聯句三十

韻

雨破畏日沉月出酷暑歇野衙中河亭上靜
與不山別良用俱遠來文會一何悅越箕踞
巾寫閒玩好琴樽列野煩禮厭拘攣陳言誓
擺脫奎揮塵影參差飯果香馥烈越酒令時
解嚴談鋒久不缺野樂天無荒淫飽德異饗

餐奎高談聞謔浪正義排詭譎抗俗絕依違
 評文無詆許野輿論鄙濤張奴學賊剽竊奎
 微引角競出聯唱更相發越較善合權衡馳
 義同軌轍野萬物情難逃千古疑皆決奎聖
 道挾扶持淫亂辭謀剽削越風鑑定妍媸天機
 藏巧拙野是物有廢興惟道無本末奎義路
 自坦夷世途終兀臬越烈士死光輝常健生
 汨沒野逸氣小風雲直筆輕斧鉞奎孟軻心

不動陶潛腰心折越疲倦僕屢更輝映燭頻
 跋野浩歌不成調狂舞寧越節奎氣候隨斗
 占分野為星別越蛩韻時斷續漁燈乍明滅
 野河聲疑地震電影若夫裂天飄風奪輕紉
 零露透疎葛越酒海傾屢室詩源浩不竭野
 咸平己亥歲二年時六月奎此會是何人具
 名野奎越越

宿晦上人房

野客訪琴僧夜午月又午為我彈薰風以聽
重華語

解城條山并引

解城之南出五里抵中條山山有絕
壁介立儼若峽東綠岸沂流似有人
跡瑯琊王衢趙郡李識處士魏野江
東僧用晦披蓐索徑深入數百步止
於泉石之溪道路未遠塵事且隔雲

鳥風物鳴動左右而山語野笑樂坐
盡日因相與濯足命為聯句詩一章
凡二十句用晦書於岩壁時淳化五
年秋八月三十日

萬仞雲根泉清冷濯我足用晦森森 瓜甲
凜凜寒飢肉衢來初自試探坐久頻舒縮野
觸開浪花白破踏苔衣綠衢肺腑亦清冷形
影相照燭用晦忽罷避游魚未歸妨渴鹿野

東觀集 卷七
擢濁遠泥沙就陰憐草木衢浸潤易調暢狎
玩難拘束識欲伐我未能先起人何速野此
會高且閑願繼漁父躅用晦

宿王闢宅與王專泊用晦上人聯句

夜淺月未生春寒雪猶在闢吳僧攜古琴來
與山人會專詩心有是非禪語無慷慨野高
鴻自冥冥戈者復何用害用晦

淳化五年秋八月二十四日鉅鹿魏野

江東僧用晦趙郡李識登解瑯琊王
衢令聯句詩一章凡六十四句

危城閒登臨秋色際空碧衢四顧廓且平萬
慮忽然釋用晦精神日月暗曠達天地窄野
壯節但孤聳憤氣欲四射衢塩穴狂風狂峭
壁濃嵐滴識膽氣高虛空眼目無疆域用晦
耳如洗濯剛腸若剗剔衢高談俗不聞佳
句景來索野四時歸牢籠萬象在咫尺衢山

勢出高華地界聯虞號識意脫喧卑場神入

清虛宅野千峰如聚拳萬木同森戟用晦白

雲間不動飛鳥忽相逆野平莎類裊褥遠籟

當琴瑟衢定交心欲剖言利口難擘野不作

蔽日雲願為補天石用晦道在樂詩書時平

一作偃金草識笑傲有良朋狂散得勅敵野

筆功壓班輸酒腸欺鳥獲衢逸思驟雨傾歡

情湍激水識玄門非防禦學海詎沉溺衢寔果

間酒巡隣谷如歌拍野頭鄙鍾儀冠足愛謝

公履用晦靜勝貫兵法默論通禪寂衢聚散

傷輪蹄興亡悲簡冊識迴颿激吟魂長空掛

醉魄野泉石無榮枯一作塵埃自休戚用晦

鳥道晚採樵人家晴種麥衢暮野牛羊雜重

盧鷹隼擊識涿鹿樹圍青鹽地霞照赤野畫

牛羨山相狎鷗憐海客衢古人何卑屑束縛

于名迹用晦

東觀集
卷之七
終

東觀集卷之七終



國家圖書館, NATIONAL CENTRAL LIBRARY, TAIWAN, R.O.C.